

FACTVM

Pour Maistre Pierre de Marcq Prestre, Docteur en Theologie, Grand Vicaire & Official de Monsieur le Cardinal du Perron, en son Archeuesché de Sens Defendeur Opposant & appellant comme d'abus de certaine pretendue bulle d'union de l'an 1537. du Prieuré d'Oysé à la menſe du Chapitre de Vezelay,


Contre Maistre Jacques Belaut nommé & tenant l'Indult du ſieur Foulé, greffier, ſoy diſant Procureur & ſubrogé aux droicts de maistre Nicolas Bodin l'un des quatre Notaires & Secretaires de la Cour Demandeur & complainant pour raiſon du poſſeſſoire dudit Prieuré,

Les Doyen & Chapitre dudit Vezelay defendeurs oppoſants & intimez audit appel, & encores demandeurs en lettres en forme de requeſte ciuile, & autres lettres Royaux,

Et auſſi maistre Denys Bouteiller Aduocat au Conſeil Oppoſants à ladite complaincte.

LY à au procez trois parties contre ledit de Marcq, ſçauoir ledit Belaut audit nom, le Chapitre de Vezelay, & ledit Bouteiller : Mais pour le regard dudit Belaut il ſ'eſt deſiſté de ſon droit, & a acquieſcé, De ſorte qu'il ne demeure plus que pour les deſpens qui ſont à adiuger contre luy, au profit de celui qui ſera maintenu audit Prieuré.

POUR LE FAIT, ledit Prieuré ayant vacqué au mois d'Auril 1616. par la mort de Picard dernier paiſible poſſeſſeur, ledit de Marcq en a eſté pourueu comme d'un benefice ſeculier, par l'Abbé de Vezelay le 27. dudit Auril, & pris poſſeſſion le trois May enſuyuant, Et encores maistre Jean Trouillart ſ'en eſtant faiſt pouruoir en Cour de Rome en commendé comme d'un benefice regulier du 15. dudit May, ledit de Marcq en a eu la re-



signation, sur laquelle il a obtenu vne prouision en commende *cumulando iura iuribus*, comme il est permis *in collationis*, de sorte qu'il a la collation dudit Prieuré comme seculier de l'Ordinaire dudit 27. Auril, & comme regulier du Pape dudit 15. May.

Pour le regard dudit Bouteiller, il est pourueu, comme il pretend, en Cour de Rome aussi en commende dudit benefice comme regulier dès le 16. dudit May, & autres iours ensuyuants, ayant pris de nouuelles prouisions à diuers iours, depuis l'arriuee du Courrier, pour euitier le Concours, Par sa supplique au corps d'icelle, qualifiant ledit Prieuré seculier, & par l'extension d'icelle, il luy est accordé *in titulum tanquam secularis, & in commendam quatenus regularis & à Monasterio siue loco regulari dependeat.*

Quant au Chapitre ayant pris aduis de maistre Denis Bouteiller le pere, le 20. May en ladite annee 1616. depuis qu'il auoit enuoyé courir en Cour de Rome ledit Prieuré, s'il seroit bien fondé à pretendre l'vniõ dudit benefice à sa menſe contre ledit de Marcq pourueu par ledit Ordinaire, & contre tous autres qui en auroient obtenu des prouisions du Pape, Et en ayant eu de luy vne consultation resolutiue & confirmatiue de ladite vniõ, il se seroit ingeré de prendre possession dudit Prieuré pour en faire l'vniõ suyuant la coppie de certaine bulle de l'an 1537, à ce porté sur l'assurance de ladite consultation.

Ledit Chapitre doncq pretend ledit Prieuré comme seculier en consequence de la bulle de l'an 1537, par laquelle l'Abbaye de Vezelay & tous les membres d'icelles furent secularizéz, & cinq prieurés en dependantz, entre lesquels est enoncé celuy d'Oysé, vniz à la menſe dudit Chapitre. Et en vertu de ceste bulle qui n'a iamais esté executée que pour la secularisatiõ & non pour l'vniõ, ledit Chapitre à creu suiuant l'aduis dudit Bouteiller pere pouuoir faire vnir à sa menſe ledit Prieuré.

Ledit Bouteiller fils d'autre part se dict auoir droit audit Prieuré comme estant Regulier, & en ceste qualité en a du Pape vne signature en commande, soubstenant à cause de ce, que la collation donnée audit de Marcq par l'Ordinaire comme d'un benefice seculier est nulle. Et contre la collation dudit Trouüllart en commende comme la sienne & vn iour au parauant icelle, il s'inscript en faux, pretendunt qu'elle est antidattee, & qu'elle doit estre dattée du 16 May, sous ombre

de ce qu'il diſt que le iour de l'arriuee du Courier ordinaire à Rome porteur de l'expedition de ſa prouiſion fuſt du 16: mais il n'adiouſte pas que celle dudiſt Trouïllart fut enuoyee par Aduantage, ainſi que le regiſtre du Banquier Grenet con- pulſé par lediſt Bouteiller iuſtifie, & contre lequel regiſtre il ny à point d'inſcription en faux, en conſequence duquel Aduantage ladiſte prouiſion de Trouïllart ſe trouue du 15.

Cõtre ledit Chapitre, ledit de Marcq dit qu'il eſt mal fondé à pretendre ladite vnion en vertu de ladite bulle, pour 4. moyés.

Le premier & quy regarde l'appel comme d'abus interieſté de l'execution de ladite vnion, eſt qu'elle eſt cõtre le Concile de Latran en la Seſſion 43, & cõtre la reigle 21. de Chancellerie de Rome *In forma gratioſa*, ſans cõmiſſion *ad partes*, & ſans informatiõ precedẽte de l'vtilité ou neceſſité de la faire, Et qu'au ſurplus elle n'eſtoit, & eſt encores moins a preſent neceſſaire, d'autãt que lors les Religieux quy eſtoient trente en ceſte Abbaye ſont de preſent reduits au nombre de douze chanoines, leſquels tirent de l'Abbé ſans la menſe particuliere cent muids de vin, ſept centz Bichets de bled, troys centz ſoixante liures en argent, & le bois pour leur chauffage, De ſorte qu'avec leur menſeil ont chaſcun plus de trois cens liures de reuenu. Ce qui ſe void encor plus clairement, en tant que monsieur de Brage-longne en l'an 1615. par Arreſt du Conſeil euſt vne deſdiſtes prebendes pour repletion de ſon indult, & s'en contenta, ce qu'il n'eũt fait, ſi elles n'eũſſent vallu plus de deux centz liures. Tell'vnion pareillement tireroit avec ſoy diminution du culte diuin.

Le ſecond que par Arreſt de l'an 1578. donné ſolennellemẽt au Conſeil, ladiſte vnion touchant le prieuré de Ville-ſeluë, à eſté caſſée avec le Chapitre ſur vn pareil appel cõme d'abus que celui qu'on interieſte a preſent, Ledit chapitre aiant lors eſcrit produict & fourny de contredicts, En ſorte que la requête ciuile priſe maintenant contre lediſt arreſt par lediſt chapitre apres quarante ans, eſt du tout inciuile & ſans apparence quelconque.

Le troiſieme eſt que lediſt Prieuré aiant vacqué cydeuant pluſieurs fois par mort, & entr'autres en l'an 1585, depuis ledit arreſt de l'an 1578. il auroit eſté plaidé par vn nommé Vautrouillet, qui obtint Arreſt au Conſeil, au veu & ſceu dudit Chapitre, ſans qu'il requit ladite vnion comme ayant eſté fraiſchement caſſée par ledit arreſt de Ville-ſeluë.

Le quatriesme & dernier moyen, est que depuis ladite bulle de l'an 1537. ledit benefice a vacqué, comme il est iustificié au procez, *tamper cessum quā per decessum*, six ou sept fois, sans que ledit Chapitre ait pretendu l'vnion d'iceluy, ny se soit ingeré de la demander. En quoy l'on peut dire que si par trois ans on prescript avec vn titre couloré la possession d'un benefice, que par quatre vintgs ans ladite vnion a esté prescrite par la negligence dudit Chapitre: ioinct que non seulement il a negligé son droict, mais aussi a approuué & ratifié la possession faicte d'icelluy pendant lesdits quatre vintgs ans par les diuers possesseurs en ce qu'il auroit receu, & mesmes les auroit faict condamner recentemente en 1613. par sentence des requestes à Paris, à payer certaine rente de dix liures, en quoy ledit Prieuré est obligé a sa mense & non a autre chose.

Au surplus depuis ladicte pretendüe bulle d'vnion, il n'y a eu aucun des Prieurés mentionnéz en icelle vnis, Et ce que le Prieuré de Vandac s'est trouué cy deuant vny, Cela est arriué pour ce qu'au parauant ladicte bulle Il auoit esté vny a la Sacristie dont l'vnion auroit contiüée apres, & neantmoings ledict Chapitre auroit mal disposé dudit Prieuré, comme il se iustifie au proces, & pourroit on dire qu'il en feroit autant du Prieuré d'Oysé, s'il pouuoit paruenir à sa pretention.

Contre ledict Bouteiller on luy soubstient que le benefice est seculier, & que quand il seroit Regulier il n'y pourroit auoir droict, d'autant qu'en ceste qualité ledict de Marcq en est pourueu par la resignation de Trouïllart qui en auoit eu vne collation d'un iour auparauant celle dudit Bouteiller, de maniere que de quelle qualité qu'on repoute ledit Prieuré, ledit de Marcq en est tousiours pourueu auparauant luy.

Mais on passe plus outre, & dit-on que la collation de l'Ordinaire obtenüe par ledit de Marcq deuant celle dudit Bouteiller en Cour de Rome, quand elle seroit defeëtueuse en soy, auroit empesché la preuention du Pape, & annullé la prouision dudit Bouteiller, par la maxime Ordinaire receüe fauorablement en France, qui veut que *collatio Ordinarij etiā nulla vel annullanda impediāt praentionem Papae*. Laquelle maxime est approuue par l'opinion mesme dudit Bouteiller pere, en ladite consultation faicte contre son propre fils en l'article cinquiesme où sōt ces mots, *Et mesmes toutes les collations qu'en octroyera le Pape à ceux qui ont couru en Cour de Rome ne vaudrōt pour auoir esté*

preuenu par l'Abbé, bien que nullement.

Quant a la qualité de Seculier, ledict de Marcq la soustient indubitable pour quatre raisons.

La premiere par ladicte bulle de secularisation, qui à secularisé ledict Prieuré tout de mesme que l'Abbaye qui est pour le present seculiere, & qui à esté en ce qui est de la secularisation executée entierement, voire mesmes *recepta moribus utentium*, contre laquelle secularisation ledit Bouteiller ne peut pretendre de prescription de quarante ans, Pource qu'il est iustificié au procez que depuis ladite bulle ledit Prieuré à tousiours esté tenu iusques en l'an 1585. par des seculiers, que l'on ne peut presumer l'auoir tenu en commende, si l'on n'en rapporte les prouisions, ce que l'on ne fait point.

La seconde est qu'audit an 1585. Vautrouillet en fut pourueu par l'Ordinaire, comme d'un benefice seculier, Et ceste qualité du benefice luy estant contestée par des parties qui en estoient pourueues en commende par le Pape, ledit maître Denys Bouteiller pere escriuant pour luy & soustenant en un vieil inuentaie, sous la cote K. qu'il produict, que luy & son procureur feirent (cōtre ce qu'il soustiét a present,) que le benefice estoit seculier, Arrest interuint audit an 1587. au Cōseil par lequel ledict Vautrouillet fut maintenu, Tellement que voila ceste qualité iugee par ledit Arrest.

La troisieme raison est qu'audit an 1585 Jacques Hurault le fils, seculier en fut pourueu en tiltre comme d'un benefice seculier par la resignation dudit Vautrouillet, lequel Hurault l'auoit tenu en ceste qualité iusques en l'an 1601. De sorte que sil y auoit peu auoir quelque prescription en commende contre la secularité de ce benefice, ell'auoit esté interrompue par ledit Hurault.

La quatrieme raison est que sy ledict Prieuré estoit censé & iugé regulier, l'on feroit contre les concordats en la collation dicelluy vne reserue au Pape, d'autant que l'Ordinaire qui est seculier & qui n'a plus de reguliers sous soy, ne le pourroit plus cōferer, n'ayant le pouuoir de le dōner a un regulier d'un autre Abbaye sans translation, laquelle l'Ordinaire ne peut faire, ains le Pape seulement.

Mais bien que ledict Prieuré fust Regulier, ledict Bouteiller n'y peust encore rien pretendre, pource qu'en ceste qualité ledict de Marcq en est pourueu au parauant luy, par la resigna-

tion, dudiect Trouillart, qui en à eu vne signature du 15, & celles dudiect Bouteiller ne sont que du 16. 17 18. & 19. may 1616.

Aussy ledit Bouteiller pressé par ceste datte du 15. qui luy deuoit fermer la bouche, s'est inscript en faux contre icelle, les moiens duquel pour monstrier que le Conseil n'y à pas eu grád esgard, ont esté ioinctz au ptoce, & par lesquels entre autres (que lediect de Marcq à peu apprendre de ce qui fut représenté à l'audience la cause se plaidant) lediect Bouteiller dist que le Courrier porteur del'expeditiõ d'icelle n'estoit arriué que le 16, par consequent que la datte n'en debuioit estre que dudit iour: mais la responce est prompte, & qui se tire du registre du Banquier, qui est que ladiecte prouision à esté faite par Aduantage, qui à tousiours esté toleré & permis iusques à present en Frâce, & le quel Aduantage se faiet par le Courrier mesme ordinaire, lequel estant à deux ou trois iournees de Rome despeche vn postillon de l'hostellerie où il arriue sur le tard, pour porter extraordinairement iour & nuit le paquet dont il est chargé de le faire porter par Aduantage, & le quel postillon arriue d'ordinaire vn iour ou deux deuât luy, sans que pour cela ledit Courrier retarde son train ordinaire, ny le iour qu'il doit arriuer.

Mais ledit Bouteiller se traueille en vain à destruire ladiecte signature dudiect Trouillart, pour establir vn droit en ce benefice en commende comme regulier, pour ce que par les propres termes de sa prouision il ne le peut pretendre que cõme seculier en vertu de sa signature, & la raison est qu'au corps de sadite signature il exprime ledit benefice comme seculier, & aux clauses d'icelle ledit Prieuré luy est accordé comme regulier avec ceste restriction *Quatenus à Monasterio sine loco regulari dependeat*, qui est vne condition apposee en ladiecte signature, laquelle ne subsistant point, il est vray de dire que pareillement ladiecte commende ne peut subsister, puis qu'elle n'est oëtroyée que sous ceste condition. Or ledit Prieuré ne depend point d'un Monastere ny d'un lieu regulier, attendu que ladiecte Abbaye de Vezelay n'est point Monastere ny reguliere, ains vne Eglise Collegiale & seculiere, & par cõsequēt l'oëtroy fait de ceste Cõmende sous ceste condition qui märke, doit semblablement manquer. Et en ce faisant il reste que ledit Bouteiller ne peut pretendre droit audit benefice en vertu de ladiecte Commende, ains seulement de son tiltre comme seculier, auquel cas lediect de Marcq est pourueu valla-

7

blement deuant luy par l'Ordinaire, & ainsi il n'y peut rester
difficulté quelconque pour ledit de Marcq.

SOMMAIRE,



E Prieuré d'Oysé vacqua le 20. May 1616. par la mort
de Picard.

Le Chapitre de Vezelay y pretend pour l'vnir à sa
menſe capitulaire, en vertu de certaine bulle de 1537.

Maistre Denys Bouteiller y pretend auſſi, en vertu d'une ſi-
gnature de Rome du 17. May en ladite année 1616.

Maistre Pierre de Marcq à deuancé leſdits de Vezelay &
Bouteiller, en eſtant pourueu par l'Abbé dudit Vezelay, com-
me d'un benefice ſeculier, dès le 27. Auri laudit an 1616.

CONTRE ledit Chapitre ſont *Primò* Deux preſcriptions
qui depuis quatre vingts ans ont couru iuſques à preſent. 2. il
y a eu ſix poſſeſſeurs paiſibles dudit Prieuré, ſans que les Cha-
noines de Vezelay l'ayent iamais requis, ſçauoir Robert Tier-
celin, François Tiercelin, Iean Aubert, Iacques Vaultroüillet,
Iacques Hurault, Pierre Picart. 3. Leur dite Bulle d'vnion pre-
tendue fut caſſée contradictoirement par l'Arreſt de Villeſelue
1578, 4. elle fut encore caſſée tacitement, auſſi par Arreſt du
Conſeil, pour le preſent benefice d'Oysé, en l'an 1586, Bouteil-
ler le Pere plaidant pour Vaultroüillet nommé de l'Indult, qui
l'obtint au ſceu de ceux de Vezelay, qui ne s'en plainquirent,
bien que leur Abbé l'eût conſéré. 5. ſe ſont contentez de la
rente de dix liures qui leur eſt deuë tout les ans pour ledit Pri-
euré, comme en doiuent pareille ou ſemblable ſomme les au-
tres Prieurez non vnies à leur menſe. 6. N'ont iamais parlé de
leur vnion au change de Prieurs. 7. ils ne rapportent leur bulle
pretendue d'vnion, ains ſeulement vne coppie. 8. leur bulle
pour l'vnion n'a iamais eſté receüe, ne fulminée, ne procez ver-
bal fait, & n'ont vny aucun benefice des cinq pretendus pour
leur menſe depuis 80. ans: Car pour Vandac il a eſté vny non
à la menſe, mais à la Sacriſtie dès deuant leur bulle; Et ceux de
Vezelayne l'ont plus pour le iourd'huy en leur poſſeſſion
pour en auoir mal diſpoſé.

Contre ledit Bouteiller, on luy rapporte *Primò* Que l'Ordi-
naire a preuenue le Pape, & par conſequent ſa ſignature eſt nul-

le. 2. posé toutesfois qu'elle fust bonne, Trouïllart duquel de Marcq à le droict, fut pourueu dès le 15 May 1616, & ledit Bouteiller seulement le 17, 3. Bouteiller ne pretend le benefice que comme regulier, dans les clauses de sa signature estant ceste restrictiue, *sed quatenus non secularis sed regularis & à Monasterio seu loco Regulari dependeat*: Or est-il qu'il ne depend plus à *Monasterio nec à loco Regulari*. 4. Bouteiller le pere plaidant pour ledit Vautrouillet audit an 1585. le qualifie seculier, & par Arrest l'obtint comme seculier pour son Client.

Monsieur Lasnyer Rapporteur.

